

**Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE**



**Broj: 01-188/26
Vareš, 29.06. 2026. godine**

Na osnovu člana 22. i 95. Statuta Općine Vareš (prečišćeni tekst), broj:01-162/12 od 11.09. 2012.godine, a u vezi sa članom 100. Poslovnika o radu Općinskog vijeća Vareš (Novi prečišćeni tekst) broj: 01-132/20 od 19.10.2020. godine, broj: 01-170/21 od 30.09. 2021. godine i broj: 01-91/23 od 30.03. 2023. godine, Općinsko vijeće Vareš na 17. sjednici održanoj 29.06. 2026. godine, d o n o s i

ZAKLJUČAK

1. **PRIHVATA** se Izvještaj o radu JPU „Dječije obdanište“ Vareš za 2025. godinu.
2. Izvještaj o radu JPU „Dječije obdanište“ Vareš za 2025. godinu iz tačke 1. čini sastavni dio ovog Zaključka.
3. Ovaj Zaključak stupa na snagu danom donošenja.

DOSTAVLJENO:

1x općinski načelnik,
1x direktor JPU,
1x predsjednik UO,
1x a/a.



**PREDSJEDAVAJUĆI
OPĆINSKOG VIJEĆA**

Igor Šimić

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba

Javna predškolska ustanova u državnoj svojini

„Dječije obdanište Vareš“

Broj: 01-194/26

Datum: 12.06.2026.godine

IZVJEŠTAJ O RADU I POSLOVANJU

JPU „Dječije obdanište Vareš“ u 2025. godini

I UVODNI DIO IZVJEŠTAJA

Puni naziv ustanove: Javna predškolska ustanova u državnoj svojini

„Dječije obdanište Vareš“

Skraćeni naziv ustanove: JPU „Dječije obdanište Vareš“

Sjedište ustanove: ul. Zvijezda br. 22

Djelatnost: predškolsko obrazovanje

Šifra djelatnosti: 85.10

Osnivač: Općina Vareš

JPU „Dječije obdanište Vareš“ osnovana je 1974.godine, a u matični registar je upisana 28.05.1979. godine. Posljednji put je upisana u registar predškolskih ustanova 2013.godine. Djelatnost ustanove je predškolsko obrazovanje koje se ostvaruje po pedagoškim standardima i normativima.

ID broj: 4218347260002

Podaci o transakcijskim računima: Unicredit Bank, poslovnica Vareš broj: 3385802224117244

Podaci o direktoru: Erlbek Nikolina, VSS-bachelor predškolskog odgoja, imenovana za direktora JPU „Dječije obdanište Vareš“ dana 23.06.2023.godine na period od četiri godine, počevši od 01.07.2023.godine.

Trenutna kvalifikacijska struktura uposlenih: osam VSS, četiri SSS.

Trenutna spolna struktura uposlenih: jedanaest žena, jedan muškarac

Nacionalna struktura uposlenih: dva Hrvata, osam Bošnjaka, jedan Srbin, jedan ostali.

Broj korisnika usluga:

Broj upisane djece u JPU „Dječije obdanište Vareš“ u školskoj 2024/25. godini na početku školske godine je iznosio 57 djece u tri odgojne grupe: dvije mješovite odgojne grupe od 3 godine do polaska u školu i jednoj jasličkoj.

Podaci o članovima Upravnog odbora:

Dana 12.04.2024.godine, općinski načelnik donosi Rješenje o imenovanju predsjednika i članova Upravnog odbora JPU „Dječije obdanište Vareš“ broj 02-665/24.

Za predsjednika i članove Upravnog odbora JPU „Dječije obdanište Vareš“ imenovani su:

- Edita Islamović – predsjednica iz reda korisnika usluga ustanove;
- Nikola Mandić – član iz reda Osnivača;
- Erna Lulić – član iz reda uposlenika;

U periodu od 01.01.2025. godine do 31.12.2025. godine članovi Upravnog odbora održali su 13 sjednica na kojima se, između ostalog, raspravljalo i o:

- Razmatranje službene zabilješke povodom pregleda i davanja saglasnosti na Godišnji program rada;
- Razmatranje dopisa roditelja broj 01-018-1/25(Molba za asistenta)
- **Prijedlog Pravilnika o izmjeni Pravilnika o plaćama i drugim ličnim primanjima zaposlenika JPU „Dječije obdanište Vareš“ u Varešu;**
- Razmatranje ponuda za izradu detaljnog energetskog audita;
- Prijedlog odluke o dopuni i izmjeni Odluke o načinu i postupku popunjavanja upražnjenih radnih mjesta sa kriterijima i načinom bodovanja kandidata prilikom zasnivanja radnog odnosa direktora, odgajatelja, stručnih saradnika i ostalih radnika

(administrativno-financijski uposlenik, kuhar-servirka, spremačica) u JPU "Dječije obdanište Vareš";

- Odgovor na Žalbu povodom Zaključka Komisije za provođenje javnog konkursa JPU "Dječije obdanište Vareš", broj 01-328/24 od 19.12.2024.;
- Odgovor na vijećničku inicijativu (postavljanje video nadzora u prostorijama JPU "Dječije obdanište Vareš");
- Informacija o stanju i problemima u radu JPU "Dječije obdanište Vareš" ;
- Prijedlog Odluke o dopuni i izmjenama Pravila JPU "Dječije obdanište Vareš";
- Donošenje odluke o raspisivanju konkursa za prijem u radni odnos na određeno vrijeme:
- odgajateljica (2 izvršioca);
- Usvajanje Prijedloga Izvještaja o radu poslovanju za 2024.godinu;
- Odluka o raspisivanju konkursa za prijem u radni odnos na određeno vrijeme:
1.odgajatelj/ica (1. izvršilac); 2.pripravnica/ica odgajatelj/ica (1 izvršilac); asistent odgajatelja(1 izvršilac)
- Donošenje Odluke o formiranju Komisije za sprovođenje konkursnog postupka za popunu upražnjenih radnih mjesta: 1.odgajatelj/ica (1. izvršilac); 2.pripravnica/ica odgajatelj/ica (1 izvršilac); asistent odgajatelja(1 izvršilac)
- Odluka o prijemu u radni odnos na radno mjesto odgajatelj/ica;
- Odluka o prijemu u radni odnos na radno mjesto odgajatelj/ica na neodređeno vrijeme;
- Donošenje Odluke o usvajanju Godišnjeg programa rada JPU "Dječije obdanište Vareš" za školsku 2025/2026.godinu;
- Donošenje odluke o raspisivanju konkursa za prijem u radni odnos na određeno vrijeme:
- odgajateljica (2 izvršioca);
- Prijedlog Pravilnika o izmjenama i dopunama Pravilnika o unutrašnjoj organizaciji i sistematizaciji poslova i radnih zadataka u JPU „Dječije obdanište Vareš“;
- Odluka o usvajanju Plana prihoda i rashoda za 2026.godinu;
- Donošene odluke o formiranju Komisije za sprovođenje konkursnog postupka za popunu upražnjenih radnih mjesta;
- Odluka o prijemu u radni odnos na radno mjesto odgajatelj/ica;
- Razmatranje izvještaja o radu JPU „Dječije obdanište Vareš“ za 2025. god.

II GLAVNI DIO IZVJEŠTAJA

• Narativni dio izvještaja

U toku 2025. godine u JPU „Dječije obdanište Vareš“, nije realizovan Program obaveznog predškolskog odgoja i obrazovanja za djecu u godini pred polazak u osnovnu školu (POPOiO), u trajanju od 180 sati prema odluci Ministarstva obrazovanja Ze-do kantona jer ustanova ne posjeduje ni kadrovske ni prostorne kapacitete za njegovu realizaciju.

Tokom 2025.godine roditelji su imali na raspolaganju cjelodnevni kao i poludnevni boravak djece.

Početkom 2024/2025. godine u mješovitim odgojnim grupama su zaposlena dva odgajatelja i dva stručna saradnika (zbog nedostatka odgajatelja: profesora predškolskog odgoja, magistara predškolskog odgoja, bachelora predškolskog odgoja), u jasličkoj grupi je zaposlen jedan odgajatelj čime smo ispunili Pegagoške standarde i normative i dobili saglasnost na Godišnji plan i program za 2024/2025. godinu od strane Pedagoškog Zavoda Zenica.

Formirane su tri odgojne grupe, dvije mješovite grupa djece od 3 godine do polaska u školu i jaslička grupa djece od 1 do 3 godine. U mješovitim grupama sa djecom rade po jedan odgajatelja (bachelor i master predškolskog odgoja i obrazovanja) i jedan stručni saradnik (socijalni radnik i socijalni pedagog). U jasličkoj grupi djece rade odgajatelj (bachelor predškolskog odgoja) i zdravstveni radnik (bachelor sestrinstva). Godišnji plan i program rada u skladu je sa Pedagoškim standardima i normativima.

Cijena boravka u JPU „Dječije obdanište Vareš“ iznose kako slijedi:

- Cijena poludnevnog boravka u vrtiću (u trajanju od 6 sati) iznosi: 140,00 KM;
- Cijena cjelodnevnog boravka u vrtiću (u trajanju od 10 sati) iznosi: 180,00 KM;
- Cijena poludnevnog boravka u jaslicama (u trajanju od 6 sati) iznosi: 160,00 KM;
- Cijena cjelodnevnog boravka u jaslicama (u trajanju od 10 sati) iznosi: 200,00 KM;

Zadnja izmjena cijene boravka djece u JPU „Dječije obdanište Vareš“ se desila 12.08.2022.godine.

Djeca u našoj ustanovi imaju osiguran doručak, ručak i od avgusta 2023.godine dvije užine (jednu voćnu užinu između doručka i ručka, i drugu užinu poslije popodnevnog odmora). Jelovnik se izrađuje sedmično, a tokom godine se mijenja u zavisnosti o sezonskim proizvodima, strukturi djece itd.

Obroci se pripremaju po normativu, vodeći računa o raznovrsnosti namirnica koje su potrebne za normalan rast i razvoj djece. Kontrolu hrane redovno obavlja Institut za zdravlje i sigurnost

hrane Zenica, kroz redovito uzimanje uzoraka hrane i briseva uposlenih, radnih površina i posuđa.

Naša ustanova je u prethodnim godinama učestvovala u programu „Zdravo jedi, zdravo rasti“ u okviru čega je provela inicijativu za poboljšanje ishrane djece i uključivanje cjelovitih žitarica u ishranu djece. Nakon ispunjenih svih uslova naša ustanova je stekla akreditiv „Odgojno-obrazovna ustanova, prijatelj zdrave ishrane“ dodijeljen od strane Federalnog ministarstva zdravstva, Zavoda za Javno zdravstvo FBIH, UNICEF-a i Federalnog ministarstva obrazovanja i nauke.

Program „Zdravo jedi, zdravo se hrani“ se provodio i protekle pedagoške godine, te je naša ustanova ponovo stekla akreditiv „Odgojno-obrazovna ustanova, prijatelj zdrave ishrane“.

Zdravstvena zaštita zaposlenih se reguliše uz saradnju sa JU Dom zdravlja Vareš. Naši uposlenici redovno obavljaju sanitarni pregled (jednom godišnje za sve uposlenike osim uposlenih u kuhinji koji sanitarni pregled obavljaju dva puta u godini), kao i ljekarski pregled na početku školske godine.

Zdravstvena zaštita djece se vrši i kroz saradnju sa roditeljima u cilju očuvanja zdravlja djece s naglaskom da se bolesna djeca kao i djeca pod terapijom ne dovode u vrtić.

Prilikom upisa djece u obdanište, roditelji su obavezni priložiti ljekarsko uvjerenje da je dijete sposobno za boravak u obdaništu. Ljekarsko uvjerenje vrijedi godinu dana, nakon čega su roditelji obavezni obnoviti ga za dalji boravak djece u obdaništu. Poslije svake prebolovane bolesti roditelji su također dužni donijeti ljekarsko opravdanje da je dijete spremno za boravak u kolektivu.

Deratizacija prostorija vrši se dva puta godišnje, dezinsekcija prostorija četiri puta godišnje, a dezinfekcija šest puta godišnje.

U okviru rada Javne ustanove uspostavlja se i primjenjuje zajednička jezgra cjelovitih razvojnih programa za rad u predškolskim ustanovama na osnovu pedagoških standarda i normativa, shodno odredbama člana 21. Zakona o predškolskom odgoju i obrazovanju Ze-do kantona.

Programi realizirani u prošloj godini su:

- Cjeloviti razvojni program,
- Specijalizirani razvojni programi
- Interventni, kompezacijski i rehabilitacijski programi
- Programi jačanja roditeljskih kompetencija

Planiranje i programiranje sadržaja provodi se kroz tematske cjeline na osnovu programskih cjelina iz Osnova programa odgojno-obrazovnih djelatnosti u zavisnosti od uzrasnih karakteristika odgojno obrazovne grupe kao i sredine u kojoj se nalazi obdanište, a i aktuelnih događaja.

Programiranje za određenu uzrasnu grupu vrši se u skladu sa operativnim programom i planom rada ustanove, općim odgojno-obrazovnim zadacima i orijentacijskim programskim sadržajima za određeni uzrast djece, te karakteristikama odgojne grupe, ali svakako i individualnim potrebama djece.

Planiranje i evidencija vodi se u Dnevniku rada i Radnoj svesci za djecu predškolskog uzrasta.

Ciljevi, zadaci i sadržaji predškolskog programa usmjereni su na razvoj svih djetetovih potencijala. Objedinjuju se različita razvojna područja učenja koja su sistemom učećih aktivnosti integrisani s mrežom ishoda učenja, potencijalnim sadržajem aktivnosti i igara, prema različitim uzrasnim specifičnostima.

Odgajateljice u grupi prave pripremu mjesečnih aktivnosti koje razrađuje na sedmične, a sedmične na dnevne aktivnosti. Prilikom planiranja i realizacije aktivnosti vodi se računa o interesima djece kao i njihovim mogućnostima. Soba je organizovana za dnevne aktivnosti. U sobi su istaknuti centri aktivnosti, koji sadrže različitu didaktičku opremu za djecu, istraživanje kao i igru.

Centri aktivnosti su:

- Centar za početno čitanje i pisanje
- Blok centar
- Dramsko-obiteljski centar
- Centar za umjetnost
- Manipulativni centar

Centri aktivnosti se po potrebi mogu mijenjati zavisno od situacije i same aktivnosti. Koliko će centara dnevno biti u funkciji zavisi od planirane aktivnosti odgajateljica.

Kako bi se plan i program što bolje/cjelovitije realizovao i u prošloj godini je planirana i realizovana bogata saradnja sa društvenom sredinom.

U toku 2025. godine djeci je bilo omogućeno da realizuju aktivnosti koje doprinose razvoju znanja, socijalizacije, kao i bogaćenju iskustava kroz aktivno učešće u različitim aktivnostima i događajima kao što su:

- Česte šetnja gradom,
- Slikovne i književne radionice za djecu povodom obilježavanja Dječije nedjelje u suradnji sa JU "Centar za kulturu edukaciju" i JU "Opća biblioteka Vareš",
- Posjeta Vatrogasnoj postaji Vareš,

- Posjeta JU "Općoj biblioteci Vareš" i njihovoj Zavičajnoj zbirci,
- Posjeta Pučkoj kuhinji Vareš i donacija sredstava prikupljenih na prodajnom bazaru,
- Umjetničke radionice sa Ajnom Dedić,
- Proslava 8. marta,
- Obilježavanje Dana osoba sa Down sindromom,
- Obilježavanje Dana osoba sa autizmom,
- Proslava Svjetskog dana zdravlja u suradnji sa DPM Fondacijom i Danni's little kitchen,
- Obilježavanje Dana Planete Zemlje,
- Proslava Dana knjige u suradnji sa Općom bibliotekom Vareš i Malom školom Vareš,
- Završna svečanost za naše mališane,
- Obilježavanje Dječije nedjelje u suradnji sa JU Općom bibliotekom Vareš i spisateljem Čikopiscem Elvirom Halilovićem,
- Obilježavanje Dana jabuke,
- Posjeta Domu zdravlja Vareš u sklopu projekta „Roditelj je teta“,
- Posjeta JU Centar za kuturi i edukaciju u sklopu projekta „Roditelj je teta“,
- Posjeta kompaniji Alma ras u sklopu projekta „Roditelj je teta“,
- Obilježavanje Svjetskog dana djeteta,
- Obilježavanje Dana državnosti BiH u suradnji sa Općom bibliotekom Vareš,
- Proslava Dana rudara sa uposlenicima kompanije DPM Metals,
- Interaktivna radionica u organizaciji fondacije Dogs Trust-a, UNDP-a i Skloništa za napuštene pse Zabrezje Vareš i podjela paketića,
- Posjeta zaposlenika kompanije Erdogan M&T Tours doo i podjela paketića,
- Organizacija radionice sa djecom i roditeljima pod nazivom „Zimska čarolija“ i izrada umjetničkih djela za humanitarni bazar,
- Obilježavanje Dana dječije radosti – organizovana je novogodišnja svečanost u Radničkom domu, te podjela paketića koje smo kupili u suradnji sa roditeljima,
- Projekat „Zdravo jedi, zdravo rasti“,
- Suradnja sa Mikrokreditnom organizacijom EKI (donacija klima uređaja).
- Suradnja sa Diskotekom City Vareš i Snack bar Taverna Vareš (donacija smart tv-a).

Obim rada u ljetnom periodu reduciran je na slobodne aktivnosti kroz šetnje, posjete, igre na otvorenom kao i izlete.

Realizirano je i nekoliko aktivnosti i projekata te ostvarena saradnja sa različitim ustanovama u gradu što je od velikog značaja za našu ustanovu:

- Saradnja sa Općinom Vareš
- Općom bibliotekom Vareš
- Centrom za kulturu i edukaciju Vareš
- Skloništem za napuštene pse Zabrezje

- Dogs Trust-om
- UNDP-em
- Kompanijom Erdogan M&T Tours doo
- Saradnja sa kompanijom DPM Metals
- Saradnja sa DPM Fondacijom
- JU Dom zdravlja Vareš
- Institut za zdravlje i sigurnost hrane Zenica
- Osnovna škola Vareš
- Saradnja sa lokalnim medijima Hrvatski radio Bobovac Vareš
- Saradnja sa Zavodom za javno zdravstvo FBiH
- Federalno ministarstvo obrazovanja
- Mikrokreditna organizacija EKI
- Diskoteka City Vareš i Snack bar Taverna Vareš
- Sva djeca koja su upisana do 01.11.2025. godine osigurana su od posljedica nesretnog slučaja na period od godinu dana kod Adriatic osiguranja
- Izvršeno je generalno čišćenje svih prostorija.

U 2025. godini je ostvarena značajna saradnja sa Pedagoškim zavodom i Ministarstvom obrazovanja Ze-do kantona kroz posjete stručnog nadzora za oblast predškolskog odgoja i obrazovanja.

SARADNJA SA VIJEĆEM RODITELJA JPU "Dječije obdanište Vareš"

U 2025. godini je ostvarena kvalitetna saradnja sa Vijećem roditelja u svrhu planiranja zajedničkih aktivnosti i posjeta .

FINANSIJSKI DIO IZVJEŠTAJA

RAČUN PRIHODA I RASHODA ZA PERIOD OD 01.01.2024. DO 31.12.2024.

Redni broj	Broj konta	Pozicija	Planirano	Ostvareno	Odstupanje (4-3)	
	-1-	-2-	-3-	-4-	-5-	
1	611000	Plaće i naknade troškova djelatnika (2+3)	303.622,00	296.416,00	-7.206,00	97,63
2	611100	Bruto plaće i naknade plaća	246.144,00	242.744,00	-3.400,00	98,62
3	611200	Naknade troškova djelatnika	57.478,00	53.672,00	-3.806,00	93,38
4	612000	Doprinosi poslodavca i ostali doprinosi	0,00	18.915,00	18.915,00	#DIV/0!
5	613000	Izdaci za materijal, sitni inventar i usluge (od 6 do 14)	122.280,00	67.949,00	-54.331,00	55,57
6	613100	Putni troškovi	1.000,00	63,00	-937,00	6,30
7	613200	Izdaci za energiju	22.000,00	10.786,00	-11.214,00	49,03
8	613300	Izdaci za komunikaciju i komunalne usluge	5.000,00	2.900,00	-2.100,00	58,00
9	613400	Nabava materijala i sitnog inventara	85.000,00	27.281,00	-57.179,00	32,73
10	613500	Izdaci za usluge prijevoza i goriva	0,00	503,00	503,00	0,00
11	613600	Unajmljivanje imovine, opreme i nematerijalne imovine	0,00	0,00	0,00	0,00
12	613700	Izdaci za tekuće održavanje	2.280,00	1.530,00	-750,00	67,11
13	613800	Izdaci osiguranja, bankarskih usluga usluga platnog prometa	2.000,00	1.119,00	-881,00	55,95
14	613900	Ugovorene i druge posebne usluge	5.000,00	23.227,00	18.227,00	464,54
15	614000	Tekući transferi i drugi tekući rashodi (16)	0,00	0,00	0,00	0,00
16	614800	Drugi tekući rashodi	0,00	0,00	0,00	0,00
17		UKUPNI RASHODI (1+4+5+15)	425.902,00	383.280,00	-42.622,00	89,99
18	722000	Naknade, pristojbe i prihodi od pružanja javnih usluga (19)	119.280,00	110.152,00	-9.128,00	92,35
19	722600	Prihodi od pružanja javnih usluga (prihodi od vlastitih djelatnosti korisnika proračuna i vlastiti prihodi)	119.280,00	110.152,00	-9.128,00	92,35
20		Primljeni transferi i donacije (21+22)	306.622,00	260.973,00	-45.649,00	85,11
21	732100	Primljeni tekući transferi od ostalih razina vlasti	303.622,00	260.973,00	-42.649,00	85,95
22	733100	Donacije	3.000,00	0,00	-3.000,00	00,00
23		UKUPNI PRIHODI (18+20)	425.902,00	371.125,00	-54.777,00	87,14
		Poslovanje : -12.155,00				
		STANJE NA DAN 31.12.2025. JE 50.639,35 KM				

OBRAZLOŽENJE:

U 2025. godini ostvareni su ukupni prihodi i primici u iznosu od 371.125,00 KM, što je manje za 54.777,00 KM od Finansijskog plana JPU Dječije obdanište Vareš, te su za 87,14% niži u odnosu na plan. Detaljno analizom prihoda ostvareno je sljedeće:

- Prihodi od pružanja javnih usluga (prihodi od vlastitih djelatnosti korisnika proračuna i vlastiti prihodi), ekonomski kod 722600, ostvareni su u iznosu od 110.152,00 KM, što je manje u iznosu za 9.128,00 KM ili 92,35%. Ostvarenje manje naplaćenih javnih usluga odnosi se na manji broj primljene djece zbog nepotpunih kadrovskih kapaciteta, kao i zbog većeg broja umanjavanja mjesečne cijene zbog bolesti (uz lekarsko opravdanje).
- Primljeni tekući transferi od ostalih razina vlasti, ekonomski kod 732100, ostvareni su u iznosu od 260.973,00 KM, što je manje u iznosu od 42.649,00 KM ili 85,95%. Ostvarenje manje primljenih transfera odnosi se na neisplaćena sredstva od osnivača Općine Vareš, za neto plaće, doprinose i regres radnika u JPU "Dječije obdanište Vareš".
- Donacije, ekonomski kod 733100, ostvareni su u iznosu od 0,00, odnosno ustanova ove godine nije primila donacije.

U 2025. Godini ostvareni su ukupni rashodi i izdaci u iznosu od 383.280,00 KM, što je manje u iznosu od 42.622,00 KM Finansijskog plana JPU Dječije obdanište Vareš, te su za 89,99% niži u odnosu na plan. Detaljnom analizom rashoda ostvareno je sljedeće:

- Bruto plaće i naknade plaća, ekonomski kod 611000, ostvareni su u iznosu od 242.744,00 KM, što je manje u iznosu od 3.400,00 KM ili 98,62%.
- Naknade troškova djelatnika, ekonomski kod 611200, ostvareni su u iznosu od 53.672,00 KM, što je manje u iznosu od 3.806,00 KM ili 93,38%.
- Putni troškovi, ekonomski kod 613100, ostvareni su u iznosu od 63,00 KM, što je manje u iznosu od 937,00 KM ili 6,30%.
- Izdaci za energiju, ekonomski kod 613200, ostvareni su u iznosu od 10.786,00 KM, što je manje u iznosu od 11.214,00 KM ili 49,03%.
- Izdatci za komunikaciju i komunalne usluge, ekonomski kod 613300, ostvareni su u iznosu od 2.900,00 KM, što je manje u iznosu od 2.100,00 KM ili 58,00%.

- Nabava materijala i sitnog inventara, ekonski kod 613400, ostvareni su u iznosu od 27.821,00 KM, što je manje u iznosu od 57.179 KM ili 32,73%.
- Izdatci za tekuće održavanje, ekonomski kod 613700, ostvareni su u iznosu od 1.530,00 KM, što je manje u iznosu od 750,00 KM ili 67,11%.
- Izdatci osiguranja, bankarskih usluga i usluga platnog prometa, ekonomski kod 613800, ostvareni su u iznosu od 1.119,00 KM, što je manje u iznosu od 881,00 KM ili 55,95%.
- Ugovorene i druge posebne usluge, ekonomski kod 613900, ostvareni su u iznosu od 23.227,00 KM, što je više u iznosu od 18.227,00 KM ili 464,54%.
- Drugi tekući rashodi, ekonomski kod 614800, drugih tekućih rashoda nije bilo.

Manjak prihoda nad rashodima ostvaren je u iznosu od 12.155,00 KM jer je smanjen broj djece zbog manjeg broja kadra, kao i zbog neisplaćenih sredstva od osnivača Općine Vareš, za dio neto plaća, doprinose i regres radnika u JPU "Dječije obdanište Vareš".

III ZAKLJUČAK

Početkom 2024/2025. godine u mješovitim odgojnim grupama su zaposlena dva odgajatelja i dva stručna saradnika (zbog nedostatka odgajatelja: profesora predškolskog odgoja, magistara predškolskog odgoja, bachelora predškolskog odgoja), u jasličkoj grupi je zaposlen jedan odgajatelj i jedan zdravstveni radnik čime smo ispunili Pegagoške standarde i normative i dobili saglasnost na Godišnji plan i program za 2024/2025. godinu od strane Pedagoškog Zavoda Zenica.

Formirane su tri odgojne grupe, dvije mješovite grupa djece od 3 godine do polaska u školu i jaslička grupa djece od 2 do 3 godine. U mješovitim grupama sa djecom rade po jedan odgajatelja (bachelor i master predškolskog odgoja i obrazovanja) i jedan stručni saradnik (socijalni radnik i socijalni pedagog). U jasličkoj grupi djece rade odgajatelj (bachelor predškolskog odgoja) i zdravstveni radnik (bachelor sestrinstva). Godišnji plan i program rada u skladu je sa Pedagoškim standardima i normativima.

Pored proširenja kapaciteta za prijem djece postoji lista čekanja, jer su grupe ograničene sa mogućim brojem djece prema Pedagoškim standardima i normativima ZDK, kao i kadrovskim mogućnostima ustanove. Također, Ustanovi još uvijek nisu vraćene prostorije koje joj pripadaju, a u kojima je smješten Centar za socijani rad.

Zakonom o predškolskom odgoju i obrazovanju član 45. je predviđeno da osnivač predškolske ustanove osigura sredstva za osnivanje, rad i provođenje programa predškolskog odgoja i obrazovanja u skladu sa standardima i normativima za predškolski odgoj i obrazovanje, a ta sredstva podrazumijevaju:

- Plaće zaposlenih (bruto plaće, topli obrok i regres)
- Materijalne troškove
- Nabavku osnovne opreme i učila
- Potrošni materijal za odgojno obrazovni rad
- Amortizaciju i tekuće održavanje objekta
- Dio radno-igrovnog materijala (igračke i drugi osnovni didaktički materijal).



DIREKTORICA:

Nikolina Erlbek

Nikolina Erlbek

JPU „Dječije obdanište Vareš“

VAREŠ

UPRAVNI ODBOR JPU „DJEČIJE OBDANIŠTE VAREŠ“

Broj: 01-195/26

Datum: 12.06.2026.

Na osnovu člana 27. Zakona o ustanovama (Sl. novine RBiH, broj: 6/92, 8/93, 13/94), člana 46. Pravila JPU „Dječije obdanište Vareš“ (broj: 01-55/11 od 25.03.2011. 01-102/14 od 14.11.2014.) i Zakona o predškolskom odgoju i obrazovanju, Upravni odbor JPU „Dječije obdanište Vareš“ na dvadesetosmoj (28) sjednici održanoj dana 12.06.2026. godine d o n o s i:

O D L U K U

o usvajanju Izvještaja o radu i poslovanju JPU „Dječije obdanište Vareš“

I

Upravni odbor JPU „Dječije obdanište Vareš“ jednoglasno usvaja Izvještaj o radu i poslovanju JPU „Dječije obdanište Vareš“ u 2025. godini, broj: 01-194/26 od 12.06.2026. godine.

II

Ova odluka stupa na snagu danom donošenja i objavit će se na oglasnoj ploči JPU „Dječije obdanište Vareš“.



Predsjednica Upravnog odbora


Edita Islamović